

BASES

CONCURSO DE CARTEIS “25 DE NOVEMBRO. DÍA INTERNACIONAL CONTRA A VIOLENCIA DE XÉNERO” . Non o ignores, non o xustifiques, non o escondas.

PREÁMBULO:

O Consello Municipal da Muller e maila Concellería de Igualdade do Concello de Vigo queremos fomentar unha maior implicación social, para que a nosa sociedade deixe de esconder, escusar e ignorar a violencia machista e tome non só conciencia acerca deste problema co obxecto de que redunde nun cambio de actitudes, sendo non tolerantes coas condutas violentas cara á muller só polo feito de selo, senón tamén que propicie unha activa implicación. Por este motivo convócase un certame de carteis sobre o 25 de novembro “Día internacional en contra da violencia de xénero”

Primeira.-OBXECTO

O obxecto do concurso é a creación dun cartel que se empregará na campaña de concienciación contra a Violencia de Xénero. Todos os carteis presentados versarán sobre a violencia de xénero, para iso deberán terse en conta os distintos tipos de violencia de xénero que están a sufrir as mulleres: física, psicolóxica, sexual e o control económico, entre outras.

Segunda.- OBRIGAS E REQUISITOS DAS PERSOAS PARTICIPANTES

1. Trátase dunha convocatoria libre na que poderán participar todas aquelas persoas físicas ou xurídicas maiores de 16 anos.
2. As persoas participantes deberán reunir os requisitos establecidos no artigo 10 da Lei 9/2007 do 13 de xuño, de subvencións de Galicia e non estar incursas en prohibición para ser beneficiarias de subvencións das previstas no dito artigo para o que se esixirá ás solicitantes unha declaración de non estar incursas nas prohibicións que recollen os apartados 2 e 3 do citado artigo 10. (apartado 3 do Anexo I)
3. Unha vez emitido fallo polo xurado e antes da proposta de resolución á Xunta de Goberno Local, deberá acreditar que se acha ao corrente no cumprimento das súas obrigas tributarias e para coa Seguridade Social mediante a presentación das certificacións ás que se refire o artigo 22 do RD 887/2006, 21 de xullo, polo que se aproba o Regulamento da Lei Xeral de Subvencións. Tamén acreditará, no seu caso, que se acha ao corrente das súas obrigas para co Concello de Vigo, para o cal, entenderase que a persoa solicitante ó participar na convocatoria autoriza ao órgano instructor para solicitar de oficio os datos e a documentación acreditativa de tal extremo aos departamentos administrativos responsables.
4. Serán obrigas da persoa beneficiaria as previstas nestas bases e convocatoria e as sinaladas no artigo 11 da lei de subvencións de Galicia.
5. As persoas participantes serán as únicas responsables fronte ao Concello de Vigo e fronte a terceiras persoas do cumprimento destas bases e dos contidos dos seus traballos en canto a esixencias legais de dereitos de autoría ou plaxios segundo as leis vixentes. Cada participante, polo mero feito de participar, acepta estas bases. O Concello de Vigo queda eximido de toda responsabilidade ante calquera reclamación que se puidese presentar.

Terceira.-ADMISIÓN

Cada participante só poderá presentar unha única obra, coa condición que esta sexa orixinal e inédita segundo a lexislación vixente (Real decreto legislativo 1/96, do 12 de abril da Lei da propiedade intelectual), e que non fose presentada con anterioridade noutros concursos. Certificarase este extremo coa achega do **anexo I** debidamente cuberto e asinado.

Cuarta.-TÉCNICAS E DIMENSIÓNS DAS OBRAS

Calquera técnica é válida para a realización do cartel, condicionada unicamente a que esta permita una correcta reprodución fotomecánica. Os traballos serán presentados en soporte dixital, xunto cunha copia do traballo en soporte impreso. O soporte impreso será vertical e tamaño 40 x 55 cm, presentarase suficientemente protexidos e montado sobre soporte ríxido e desmontable, que permita a súa perfecta exposición.

Así mesmo, o Concello de Vigo non responderá dos posibles estragos ou danos que poidan sufrir os carteis como consecuencia do seu transporte, manipulación, montaxe e desmontaxe, en caso de realizarse algunha exposición destes. Por este motivo, recoméndase que os carteis se presenten en soporte de cartón, cartón-pluma ou similar, evitando na medida do posible o emprego de cristal, metacrilato, enmarcado, etc.

A Concellería de Igualdade do Concello de Vigo non será responsable de, por causa da perda, deterioro ou extravío das obras presentadas ao concurso durante o seu prazo de duración, e non subscribirá póliza de seguro que cubra os ditos riscos.

Quinta.- LOGOTIPO e LEMA

Os orixinais, ademais do logotipo da Concellería de Igualdade do Concello de Vigo deberán incluír, no lugar e forma que elixa o/a autor/a, necesariamente os seguintes textos :

- 25 novembro
- Vigo
- “Día internacional contra a Violencia de Xénero”
- Lema: “Non o ignores, non o xustifiques, non o escondas”

O logotipo da concellería está dispoñible na Web www.igualdadevigo.org

A Concellería de Igualdade corraxirá os posibles erros dos textos que figuren nas obras, así como calquera modificación de datas ou doutro tipo que poidan xurdir. Así mesmo, resérvase a facultade de modificar ou substituír os textos indicados e o logotipo que apareza no orixinal, así como de variar as súas localizacións na composición definitiva do cartel que se edite.

Sexta.- PRESENTACIÓN DAS PROPOSTAS

Os traballos presentaranse sen firma, con eles achegaremos un sobre pechado en cuxo interior figurarán os datos da identificación da autora ou autor: nome, apelidos, enderezo completo, teléfonos de contacto, correo electrónico e copia do DNI do/da participante, así como o Anexo I debidamente cuberto e asinado. Tamén deberán indicar de forma breve aquilo que desexan transmitir coa súa obra.

No exterior do sobre, así coma na parte traseira dos traballos, figurará en maiúsculas un lema que servirá para preservar a identidade da autora ou autor ata a resolución do xurado, sen constar alusión algunha que permita identificar á/ao concursante; será causa de exclusión do concurso o incumprimento desta norma.

Se no traballo figurase a imaxe dalgunha persoa en primeiro plano ou recoñecible, achegárase tamén autorización firmada para incluír a dita imaxe no cartel e a súa posterior edición e no seu caso acreditación de posuír os dereitos de autor ou a cesión de dereitos de imaxe desta.

Os traballos presentaranse no Rexistro Xeral do Concello de Vigo, ou por algún dos procedementos previstos no artigo 38.4 da Lei 30/1992 de Réxime Xurídico das Administracións Públicas e do Procedemento Administrativo Común, indicando na embalaxe a referencia :

" I Concurso de Carteis contra a Violencia de Xénero 2010".

Os traballos seranlles devoltos á súa autora ou autor, se así o reclama, a portes debidos unha vez verificado o concurso, dentro dos 30 días seguintes á exposición do concurso; todo isto sen prexuízo do previsto na base Segunda.

Sétima.- PUBLICIDADE e PRAZO DE PRESENTACIÓN

1. As presentes bases difundiranse a través dos medios de comunicación local e estarán a disposición das persoas interesadas na propia Concellería de Igualdade e na web municipal: www.igualdadevigo.org, unha vez aprobadas pola Xunta de Goberno Local.

2. O prazo da admisión de obras comeza o día 8 de setembro de 2010, e finaliza o día 28 de setembro de 2010. Non serán admitidos os carteis que se reciban con posterioridade á data indicada, calquera que sexa a causa do atraso.

Oitava.- PREMIO

Outorgárase un único premio en especie composto por un lote de libros e/ou obxectos artísticos valorados no seu conxunto en 600 €. Segundo Disposición Adicional Quinta da Lei Xeral de Subvencións, a adquisición das axudas en especie someterase a normativa sobre contratacións das Administracións Públicas.

O premio único poderá ser declarado deserto polo xurado do concurso. De estimar o xurado que ningún dos traballos presentados resultase adecuado para ser o cartel anunciador oficial do día Internacional contra a Violencia de Xénero, o Concello de Vigo resolvería polos seus propios medios a edición do mencionado cartel.

A organización resérvase o dereito de revogación do premio concedido, se en calquera momento posterior á súa concesión, tivese coñecemento de que a autora ou autor da obra non cumprise algunha das condicións das bases do concurso. Neste suposto o premio outorgárase a outra obra ou declararíase deserto, de ser o caso.

Novena.- PROPIEDAD E DESTINO DAS OBRAS

Os orixinais quedarán en propiedade da Concellería de Igualdade do Concello de Vigo, que se reserva o dereito de explotación do traballo, produción, distribución, exposición, transformación

ou calquera outro tratamento posterior para conmemorar o 25 de novembro en anos posteriores, con mención dos seus autores ou autoras. Para tal fin os/as concursantes presentarán xunto coa obra a debida autorización, cumprimentando e firmando o **Anexo I**.

O Concello de Vigo resérvase o dereito de organizar exposicións públicas con todos ou parte dos carteis presentados ó concurso, en local, datas e horas que se determinarán. Neste suposto, os carteis deberán ser retirados polas propias autoras e autores ou persoas que os representen, no prazo de trinta días naturais seguintes ao da clausura da derradeira exposición. A selección das obras que se inclúan na exposición será realizada polo xurado do concurso.

Décima.- XURADO

O xurado estará formado por :

PRESIDENTA: a Concelleira de Igualdade dona Iolanda Veloso Rios, ou persoa na que delegue.

VOGAIS: Catro membras da comisión de traballo organizadora dos preparativos dos actos do 25 de novembro , creada no seo do Consello Municipal da Muller.

SECRETARÍA: A xefa do Servizo de Igualdade, dona Cristina Gómez García, con voz e sen voto.

En caso de empate resolverá o voto de calidade da presidenta do xurado.

A concelleira de Igualdade queda facultada para resolver as eventualidades que poidan xurdir non previstas nestas bases.

Como criterios para elixir o cartel gañador terase en conta tanto a calidade artística da obra e a orixinalidade como a súa eficacia como elemento para transmitir valores de igualdade e de non violencia contra as mulleres.

Décimo primeira.- PROCEDEMENTO

O procedemento para a concesión do premio será o de concorrencia competitiva que se iniciará de oficio tras a aprobación das presentes bases e convocatoria pola Xunta de Goberno Local.

O expediente de concesión do premio conterá un informe do órgano instructor no que constará que da información que a Concellería de Igualdade ten no seu poder se desprende que a persoa beneficiaria cumpre todos os requisitos para acceder ao premio.

Décimo segunda.- ÓRGANOS COMPETENTES PARA A INSTRUCCIÓN E RESOLUCIÓN DO PROCEDEMENTO E PRAZO PARA A NOTIFICACIÓN DA RESOLUCION

1. A Concellería de Igualdade será a encargada da instrución do procedemento relativo ao

Concurso de carteis “25 DE NOVIEMBRE. DÍA INTERNACIONAL CONTRA LA VIOLENCIA DE GÉNERO”- Non o ignores, non o xustifiques, non o escondas-, e a Xunta de Goberno Local será o órgano competente para conceder o premio a proposta do xurado.

2. A concesión do premio notificarase ás persoas que se presenten ao mesmo, no prazo de dez días a partir da data de concesión, de acordo co previsto no artigo 58 da Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común.

3. A resolución da Xunta de Goberno Local, sobre concesión do Premio, esgota a vía administrativa e contra a mesma poderá interpoñerse recurso de reposición ante a Xunta de Goberno Local no prazo dun mes a contar do día seguinte ó da súa notificación, ou ben directamente recurso contencioso-administrativo ante o Xulgado do Contencioso-Administrativo de Vigo, no prazo de dous meses desde o seguinte ó da notificación, de acordo co artigo 116 da lei 30/1992, de 26 de novembro e 8.1 e 46 da Lei Reguladora da Xurisdicción Contencioso-Administrativa.

Décimo terceira.- Outorgamento do Premio

O outorgamento do Premio, tramitarase a partir dun mes contado dende o día seguinte á aprobación do mesmo pola Xunta de Goberno Local de non existir recurso ningún, e de existir recurso, tras de seren cumpridos os prazos legais para a súa resolución.

Décimo cuarta.- Tratamento dos datos de carácter persoal.

Os datos das persoas que se presenten ao premio, agás no relativo ó mesmo, serán tratados e protexidos de acordo co previsto na Lei 30/1992, do 26 de novembro de Réxime Xurídico das Administracións Públicas e do Procedemento administrativo Común e na Lei 15/1999, do 13 de decembro, de Protección de Datos de Carácter Personal, sendo responsable do seu tratamento a Concellería de Igualdade do Concello de Vigo.

A persoa beneficiaria do presente premio poderá exercer os dereitos de acceso, rectificación, cancelación e oposición ante a Concellería de Igualdade do Concello de Vigo.

Décimo quinta.- Normativa aplicable.

A participación nesta convocatoria supón a aceptación das presentes bases, que se rexerá pola Lei 9/2007 do 13 de xuño, de subvencións de Galicia; a Lei 38/2003, de 17 de novembro, Xeral de Subvencións e o Real Decreto 887/2006, de 21 de xullo, polo que se aproba o seu regulamento, nos seus preceptos básicos; a lexislación básica do estado en materia de réxime local; os preceptos non básicos da Lei Lei 38/2003 e do Real Decreto 887/2006; as Bases de Execución do Orzamento do Concello de Vigo para o ano 2010, as restantes normas de dereito administrativo e, no seu defecto, as normas de dereito privado.

ANEXO I

“Dona/Don _____ titular do DNI núm.....

1º Declaro que a obra presentada é inédita e orixinal e non presentouse noutros concursos ou campañas e que non supón nin contén en todo ou en parte, copia ou plaxio de obras publicadas propias ou de outros/as artistas”.

2º Cedo en exclusiva e irrevogablemente, o dereito de impresión ou reprodución, total ou parcialmente, en calquera modalidade, tamaño ou soporte, así como a utilización da obra para a súa promoción publicitaria, polo que consinto a Concellería de Igualdade do Concello de Vigo poida facer as correspondentes modificacións ou transformacións para a súa adaptación a soportes, técnicas ou tamaños necesarios.

3º Reúno os requisitos establecidos no artigo 10 da Lei 9/2007 do 13 de xuño, de subvencións de Galicia e non estou incurso/a nas prohibicións para ser beneficiaria/o de subvencións que recollen os apartados 2 e 3 do citado artigo 10.

4º No caso de seren gañadora ou gañador do premio cedo gratuitamente e por tempo indefinido a propiedade da obra gañadora á concellería de igualdade do Concello de Vigo, quen se reserva todos os dereitos sobre a mesma incluído o de reprodución.

5º No cartel que presento

- Non figura ningunha imaxe de persoa/s en primeiro plano ou recoñecible/s
- Figura algunha/s imaxe/s de persoa/s en primeiro plano ou recoñecible/s e por tal motivo achego en documento adxunto autorización firmada para incluír a imaxe da/s persoa/s no cartel e na súa posterior edición e no seu caso acreditación de posuír os dereitos de autor ou a cesión de dereitos de imaxe desta.

5º Con esta obra pretendo transmitir:.....

.....

(lugar) de de 2010

NO CASO DE SER MENOR DE IDADE

Eu..... (nome e apelidos) titular do DNI núm..... declaro baixo a miña responsabilidade que, en calidade de nai, pai, titor/titora e sendo coñecedor/a das bases autorizo a autora/autor da obra presentada ao concurso de carteis contra a violencia de xénero convocado pola Concellería de Igualdade do Concello de Vigo, a participar no devandito concurso.

(lugar) de 2010